

DIN - DON - DAN

Cunten su ‘na storia, sô nô se l’è vera,
Che quand i orelogg, de mattina a sera,
Batesser i or inséma senza sgarà ‘n second
Campan e campaneî de tut’el mond
Ghe sarà pú né fam né guera
E finalment la paz su tuta la Tera.

Beh! Vardé gent: ghe credarì no,
Ma la sveglia che g’ho da on bel pô’
La bat i sô or in compagnia
Col campanin che l’è chi sorevia!

“Ma hin ‘péna du, ‘sti orelôgg, me disarì”.
E pur me vegn de pensà, denter de mi,
Se fuss per la voeja de fass compagnia
‘Dasi ‘dasi se metesser tucc in sintonia...

Beh! Ho capì: l’è ‘na bela fantasia
Ma almen per ‘na volta lassem insognà!
A sperà l’impossibil se fa nô peccà!

Don Arnaldo